



## Universitätsbibliothek Paderborn

### **Qvæstiones Morales Selectiores De Lege Interna Et Externa**

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

De Lege Externa

**Beati, Gabriele**

**Augustæ Vindelicorum, 1729**

**VD18 80376800**

33 An lex irregularitatis compræhendat eum, qui alteri duos digitos abscindit.

**urn:nbn:de:hbz:466:1-39888**

( 159 )

## QV AESTIO XXXIII.

*An Lex irregularitatis comprehendat eum, qui alteri duos  
digitos abscidit.*

C A S V S.

I TITIUS in quadam rixa Clerico duos digitos cum medietate palmæ amputauit. Quæritur; an irregularitatem incurrit.

S V M M A R I V M.

- 2 Titius ex Clerici mutilatione irregularitatem incurrisse videtur.
- 3 Per eam mutilationem corporis integritatem abstulit.
- 4 Quænam dicantur membra corporis Organici.
- 5 Veretamen non incurrit.
- 6 Membrum corporis non abscidit.
- 7 Non abstulit corporis partem propriam actionem habentem.
- 8 Digiti abscessio corporis integritatem non tollit.
- 9 Ad hoc requiritur membra defectus.

## RATIONES DVBITANDI.

CVm irregularitas non solum homicidio, sed etiam mutilationi sic impo-  
sita, quæ i solet, quid nomine mutilatio-  
nis intelligatur, & quæ mutilatio ad ir-  
regularitatem incurrendam requiratur  
ac sufficiat. Quod enim abscessio duorum  
digitorum cum medietate palmæ sufficiat;  
& con sequenter, quod Titius irregulari-  
tatem incurrit, existimarunt Suarez

disp. 44. sect. 2. num. 7. Layman lib. 3.  
summ. sect. 5. tr. 3. par. 3. cap. 11. num.  
2. Sotus lib. 5. de iust. quest. 2. art. 1. Et in  
4. d. 25. quest. 3. art. 2. concl. 1. Caletan.  
2. 2. quest. 65. art. 1.

Primo: Quia ad irregularitatem in-  
currēndam ea mutilatio sufficere videtur,  
ex quæ corpus humanum iuxta moralem  
existimationem iam non integrum est, sed  
imperfectum, vt colligitur ex cap. 1. de  
Clerico pugn. in duello ibi: vel membrorum  
diminutio. Sed abscissio duorum digi-  
torum cum medietate palmæ, Corporis  
organici integritatem tollit iuxtamoram  
hominum existimationem: Ergo hæc  
sufficit ad irregularitatem inducendam;  
ideoque Titius illam ex tali abscissione  
incurrisse censendus erit.

Secundò: Quia illa dicuntur membra  
corporis, ex quibus corporis organici in-  
tegritas consurgit. Ergo qualibet pars or-  
ganica, quæ ablata corpus iuxta mora-  
lem existimationem non manet integrum,  
habet rationem membra in ordine ad mu-  
tilationem. Huiusmodi autem est digitus;  
quamuis enim digitus sine consortio ma-  
nus operari non possit, habet tamen  
sæpe



sæpe aliquid proprium in actione manus, ut patet in scriptura; & eius diminutio, est diminutio integratatis corporis. Cum ergo Titius duos digitos absciderit, censetur abscidisse corporis membrum, ac mutilasse, quantum sufficit ad irregularitatem contrahendam.

## RESOLVATIO.

5 R<sup>E</sup>spondet tamen, Titium probabilius per talem abscissionem irregularitatem non incuruisse. *Valentia* tom. 4. disp. 7. quest. 19. pun. 3. §. 4. *Molin*, tract. 3. de iust. disp. 69. num. 2. *Nauarr*. cap. 27. num. 206. *Henriq*. lib. 14. cap. 8. num. 1. *Sayrus* lib. 6. cap. 16. num. 13. *Coninch*. disp. 18. d. 8. concl. 2. *Bonac*. dis. 7. quest. 4. pun. 8. num. 3. *Gasp*. *Hurtado de irreg. diffic.* 5. num. 16. qui cum Bonacina hoc extendit etiam ad abscissionem testiculorum.

6 Primò: Quia ad irregularitatem contrahendam ea abscissio requiritur, per quam aliquid membrum corporis abscindatur; dum enim aliquid membrum abscissum non est, corpus humanum dici non potest mutilatum ac truncum, sed absolute ac simpliciter integrum ac perfectum; alioquin mutilatio cuiuslibet partis corporis, quæ cum alio membro operatur, ad irregularitatem contrahendam esset sufficiens; v. g. mutilatio partis digiti, &c. Sed digitus non censetur corporis membrum; *L. enim non sunt liberi*: *ff. de statu hominum*; ex multiplicatione digitorum, membran non censentur multiplicata. Ergo abscissio digitorum non sufficit ad irregularitatem ex mutilatione inducendam.

7 Secundò: Quia ea mutilatio subiaceat irregularitati, quæ est mutilatio membra,

sumpto membro pro eâ corporis parte, quæ habet actionem aliquam ab aliâ distictam, vt est oculus, manus, pes, nubes, auris &c. Hoc enim propriè intelligitur nomine membra ab *Apostolo* 1. Cor. 22. Nam dum dicit, membra corporis non eundem actum habere, satis indicat ex diuersis actionibus membra diuersificari ac distingui. Sed abscissio duorum digitorum cum medietate palmæ, non est abscissio membra in eâ significacione, ex cap. *Enim 2. de Clerico agrotante*. Clericus carens duobus digitis, ac medietate palmæ, non dicitur mutilatus, aut truncatus, sed deformatus. Ergo per illam Titius irregularitatem non contraxit.

## OBJECTIONVM SOLVTIO.

A<sup>D</sup> rationes in contrarium Respondeantur: Ad primam: Negando, & abscissionem ditti tollere propriè corporis integratatem, & ad irregularitatem incurgendam eam solùm abscisionem sufficere: Nam hac ratione etiam sufficeret abscindere semidigitum, aut aliam partem minorem; quilibet enim tollit vel minuit corporis integratatem, quod tamè à nemine admittitur. Dicendum ergo est, ad irregularitatem incurgendam requiri abscissionem alicuius membra propriè diti; Huiusmodi autem membrum non est digitus.

Ad secundam respondet: Negando, defectum ditti tollere integratatem moralē corporis; ad hoc enim requiritur defectus membrisue partis, aliquam specialem actionem aut functionem habentis, vt esset manus; hanc autem actionem propriam digitus non habet.

QVAE-